

Бекітемін _____
«Жансая» бөбекжай-бақшасының
менгерушісі Г.Ж.Карабаева



2023-2024 оқу жылына арналған өндірістік кеңес отырысының хаттамасы

ӨНДІРІСТІК КЕҢЕСТІҢ

№1 – ХАТТАМАСЫ.

05.09.2023ж

Жалпы саны.18

Қатысқандар .18

Қатыспағандар .0

Күн тәртібінде:

1. Балабақша қызметкерлерін ішкі еңбек тәртібімен, лауазымдық міндеттерімен таныстыру. Жұмыс уақытындағы еңбек қауіпсіздік инструктажы.
2. Балалардың өмірімен денсаулығын қорғау. Балалардың күн бойындағы тазалықты сақтау әдебінен есеп беру.
3. Педагог мамандарды жаңа оқу жылында жүргізілетін іс-құжаттарын сараптау, тексеру, бекіту.

4. Мемлекеттен берілген жаңа жиһаздарды реттеу

1. Сөз сөйледі: балабақша меңгерушісі м.у.а Г.О.Махатай өндірістік кеңесті өткізу барысында барлық қызметкерлерді жаңа 2023-2024 оқу жылындағы жаңалықтармен таныстырып шықты. Сонымен қатар барлық қызметкерлерді ішкі еңбек тәртібімен және лауазымдық міндеттерімен дауыстап оқып беру арқылы таныстырып шықты қызметкерлер бірме-бір танысқандығын растап қол қойып шықты. Ішкі еңбек тәртібінде балабақша да жұмыс берушімен жұмысшының құқықтарымен міндеттері сөз етілген. Сондай-ақ жұмыс орнына келегендегі киіну әдебі, өзін өзі ұстау әдебі адал, таза жұмыс жасауға балабақша мүлкіне ұқыппен қарауға тіртіпке қатаң бағыну туралы баяндалған.
2. Тыңдалды: балабақша әдіскері Асильбекова Г балалардың балабақшаға келген сәттен бастап басшылық тәрбиешілер балалардың өмірімен денсаулығы үшін тікелей жауаптылыққа ие. Баланың өмірі мен денсаулығын қорғау жөніндегі нұсқаулықты барлық тәрбиешілер орындауға міндетті болып саналады. Тәрбиешілер барлық күн тәртібі сәттерінде балаға бақылау жасайды. Баланы балабақшаға қабылдап алған кезде медбикенің баланың дене жаракатының бар жоқтығын қадағалау тәрбиеші міндеті. Тәрбиешілер балалармен сабақ өткен кезде топ бөлмесінде бала үшін қауіпті заттардың тұрмауын қадағалайды. Сонымен қатар баланы үйіне қайтарар кезде мас және бөтен адамға, тым кішкентай балаға бермеуін қадағалайды. Тәрбиеші балаларды балабақшаның ауласынан тыс жерге кетіп қалмауында қадағалау керек сонымен қатар балалар демалыс күнінен соң үйінен таза жалпы гигиена талаптарын сақтап келгендігін медбикемен тәрбиеші қадағалау керектігін балабақшаға келгеннен кейін әр тамақтану алдында тазалық шараларын қатаң сақтау керектігін түсіндіріп сөзін қорытындылады.
3. Сөз сөйледі: балабақша әдіскері Асильбекова жаңа 2023-2024 оқу жылындағы құжаттарды рәсімдеу жұмыстарын түсіндіріп өтті. Биылғы жылда балабақшамызға келген стандарт бойынша әр топ сабақты кіріктірілген

әдіспен және балаларды дамытатын ойын түрінде өткізу керектігін түсіндірді. Биылғы жылғы перспективалық жоспарды ұлттық құндылықтарға негіздеп соның міндеті аясында бір апталық күн тәртібі яғни циклограмманы жасай отырып балаларды тәрбиелеп білім беру көзделгенін түсіндіріп өтті. Барлық педагогтар келісім берді. Жаңа оқу жылында жасалған перспективалық жоспарлар мен циклограмма тексеріліп меңгеруші тарапынан бекітілді.

4. Меңгеруші сөз алды Биыл балабақшамызға мемлекет тарапынан жаңа жататын кереуеттер мен ойыншықтар қоятын сөрелер берілді. Аудан орталығынан есеп бойынша тексеріліп түгел мекемеге әкелінді, 100 балаға арналған жаңа жатын кереуеттерді топтарға кіргізіп жайғастырылды. Екі топқа жаңа ойыншық сөрелері орналастырылды, адемі сапалы түрде жасалған Баларға отыратын орындықтар да топ санына сай әр балаға берілген, оқу партасы да жеткілікті. Бақшамыз бір шама жаңарып қалды жиһаздарды таза күтіп ұстауды талап етеммін. Бала Болашағымыз осы балапандарға сапалы білім, саналы тәрбие беруге шақырамын. Балабақшамыз көркейіп гүлдене берсін.

Шешім:

1. Балабақшада барлық қызметкерлер ішкі еңбек тәртібіне сай жұмыс жүргізісін.
2. Балалардың өмірімен денсаулығын қорғау үшін қажетті барлық шаралар қоға алынсын.
3. Әдіскер тарапынан педагогтардың жұмыс жоспарларының сапасы ай сайын бақылауға алынсын.
4. Жаңа жиһаздар есепке алынып дұрыс пайдаланылсын.

Кеңес төрайымы:  Г.О.Махатай
Хатшы:  Г.Асильбекова



ӨНДІРІСТІК КЕҢЕС

ХАТТАМА №2

04.11.2023ж

Жалпы саны.18

Қатысқандар .18

Қатыспағандар .0

Күн тәртібінде

1. Өткен жиналыстағы қаулылардың орындалуы туралы.
- 2.Ішкі еңбек тәртібінің орындалуы. 2024 жылғы Еңбек демалысын ұйымдастыру.
- 3.Техника қауіпсіздігі нұсқаулықтарының орындалуы.
- 4.Азаматтық қорғаныс және сейсмо жаттығулары. (Жер сілкінісі кезіндегі әрекеттер)
- 5.Жаңа жыл ертеңгілігінің жоспарын талқылау,балалар қауіпсіздігін ұйымдастыру.
6. Әр түрлі мәселелер

1. Сөз сөйледі: балабақша әдіскері Г.О.Махатай өткен кеңес шешімі бойынша барлық топта тазалық жұмысы ұдайы жүргізіліп,барлық топтың жылы темпертаурасыбір қалыпты болғанын, сонымен қатар балалардың балабақшадағы қауіпсіздікті сақтау шаралары жүргізілгені және тәрбиешілерге сабақ жоспары бойынша күнделікті көмек көрсетілгенін айтты. Жас мамандарға түсіндіру жұмыстары күнделікті жүргізілді.

2. Сөз сөйледі: балабақша меңгерушісі ішкі еңбек тәртібі бойынша барлық қызметкерлер жұмысқа уақытында келіуге, тәрбиешілер формамен балаларға сабақ жүргізу керектігін ал, тәрбиеші көмекшілер балаларға тамақ беріп ыдыс жуғанда арнайы форма ал, еден жуып бөлме тазалағанда басқа форма киіп қызмет атқару керектігін. Балабақшада этика –эстетика нормаларын сақтау керектігін. Балабақша ішіндегі қандайда бір мәселені өз ара талқылауға сыртқа шығармауға барынша әдеп сақтау керектігін түсіндірді.

Сондай-ақ 2023-2024 оқу жылында кезекті еңбек демалысына қай қызметкер қай уақытта шығатыны тақыланды. Нәтижесінде әр қызметкер жазғы демалысқа құрған жоспарына сай кезекті демалысқа шығаруын меңгерушіге ұсынды. Меңгеруші келісті.

3. Сөз сөйледі: балабақша меңгерушісі м.у.а: М.О.Махатай барлық қызметкерлерді техника қауіпсіздік ережелерімен таныстырып баяндама оқып шықты. Жалпы аяқ-асты болатын қауіп катерден сақтану керектігін қызметкерлер түсінді. Барлығы қауіпсіздік жөніндегі нұсқаулыққа қол қойып шықты.

4. Сөз сөйледі: балабақша меңгерушісі барлық қызметкерді кез-келген уақытта табиғит апаттың орын алуы мүмкін екендігін түсіндіріп кетті. Сондай жағдай болғанда барлығымызға белгілі қорқыныштан сасып тығырықтан шығар жол таппай қаламыз. Барлығы келісті. Меңгеруші сөзін жалғасытырды. Біз осындай апатты жағдайда өзімізді-және балаларды апатты жағдайдан аман алып қалу үшін. Жаттығу жасап дайын болуды ұсынды. Тәрбиешілер келісті. Ертең барлық топта жер сілікініс жағдайына байланысты жаттығу жасап дайындық өткізіңіздер. Әдіскерге қадағалайтынын айтты.

5.Сөз сөйледі: балабақша әдіскері Г.О.Махатай жаңа жыл ертеңгілігі өткізілетінін соған орай уақытылы сценарийі кұрылып, балалардың өміріне қауіп төндірмейтіндей жағдайда өткізу керектігін айтып кетті. Балалар ән айтып, би билеп жақсы көңіл-күйде болатынай жағдай жасалыну керектігін ескертті. Тәрбиешілер келісті.



6.Сөз сөйледі: балабақша меңгерушісі медбике Тойымбетова Лаура балабақшаның тазалығы жөнінде және Таңғы жаттығуды күнделікті жасалуын қадағалауды тапсырды. Сондай-ақ балалардың тұмау болып қалмауын ата-анамен байланыс арқылы қадағалауды ескертті. Ата-анамен жылы сөйлесіп, балаларға ұрыспай әдемі сөйлеу керектігін ескертті. Тәрбиешілер келісті.


Шешім:

1.Балабақша ұжымы ішкі еңбек тәртібін қатаң түрде сақтасын. Азаматтық қорғаныс бойынша жиі жаттығулар өткізсін.

2. Техника қауіпсіздігімен барлық қызметкерлер танысып, оны қатаң сақтасын.

3. Жаңа жыл ертеңгілігі тиісті деңгейде өткізілсін. Балалар қауіпсіздігі сақталсын. Ертеңгілікте балалар толықтай медбике бақылауында болсын.

Кеңес төрайымы:  Г.О.Махатай
Хатшы:  Г.Асильбекова



19 желтоқсан 2023 ж

Қатысқандар – 17

Күн тәртібінде:

1. Өткен кеңестің шешімдерінің орындалуы.
2. Мереке күндеріндегі балалар тамағы.
3. Жылу жүйесін бақылау.
4. Жаңа жыл ертеңгіліктерінде қауіпсіздік ережелерін сақтау.

Бірінші мәселе бойынша балабақша меңгерушісі сөз Г.Ж.Карабаева алды. Ол өз сөзінде өткен кеңестің шешімдерінің орындалуына тоқталып өтті. Сөз сойледі: балабақша меңгерушісі медбике Тойымбетова Лаура балабақшаның тазалығы жөнінде және Таңғы жаттығуды күнделікті жасалуын қадағалауды тапсырды. Сондай-ақ балалардың тұмау болып қалмауын ата-анамен байланыс арқылы қадағалауды ескертті. Ата-анамен жылы сөйлесіп, балаларға ұрыспай әдемі сөйлеу керектігін ескертті. Тәрбиешілер келісті. Қауіпсіздік ережелері сақталынып, қызметкерлер мен балаларға нұсқау жүргізілді.

Екінші мәселе бойынша балабақша медбикесі Тойымбетова Л сөз алды. Ол кісі өз сөзінде дұрыс дайындалған тамақтың балалар мен жасөспірімдердің денесі мен ақылының бірқалыпты дамуы үшін мәні зор. Тамақтың жетіспеуі балалардың бойының өсуі мен дамуын кешеуілдетіп, организмнің әр түрлі ауруларға қарсыласуын төмендетеді. Әсіресе, балабақшада мектеп жасына дейінгі кезеңде витаминдердің ағзаға жеткілікті түсуі маңызды. Балаға тағамның көлемі ғана емес, оның энергетикалық құндылығы да маңызды екенін есте сақтау керек. Тамақтану – баланың физиологиялық және психологиялық өсу үдерісінің қалыпты, дұрыс өтуін қамтамасыз ететін маңызды факторлардың бірі. Біздің балабақшада тамақты ұйымдастырудың негізгі принциптері мыналар: Тамақ мөлшерінің энергетикалық құндылықтары баланың энергетикалық шығындарына сәйкес келеді. Тамақ мөлшеріндегі барлық ауыстырылатын және ауыстыруға болмайтын азық түліктер теңестірілген. Тамақ мөлшерінің теңестірілуін қамтамасыз ететін азық-түліктер мен тамақтардың көптеген түрлері. Үйлесімді тамақтану тәртібі, айналадағы жағдай балалардың тамақтану мәдениетін дағдыландыруға себепші болады. Тамақтануға деген гигиеналық талаптарды сақтау (тамақтану қауіпсіздігі) Балабақшамызда мереке күндері балаларға түрлі жемістер беріледі. Тамақтану әдеті бала кезден қалыптасқандықтан қисынсыз дағдылар өмір бойы сақталып, баланың ағзасына кері әсерін тигізуі мүмкін. Тамақты сақтау және дайындау үдерісіне және ас үйге деген санитарлық-гигиеналық талаптарды қатаң түрде сақтау балаларды

тамақтарын дұрыс ұйымдастыру үшін маңызды. Балабақшаға келіп түсетін барлық азық-түліктер санитарлық ережелерге сәйкес санитарлық-эпидемиологиялық қорығындылары бар. Тәрбиеші Аширова Айман сөзге шығып, балаларға әр мерекеледе түрлі жемістер, иогурт, түрлі тосаптар беріледі. Ата-аналар тарапынан алғыстарын да білдіріп жатыр. Балалар енді Жаңа жыл мерекесін асыға күтуде. Дұрыс тамақтану – өсіп келе жатқан жас ағзаның денсаулығы мен дұрыс өсуіне жағдай жасап, үнемі әсерін беретін маңызды фактор.

Үшінші мәселе бойынша балабақшада жылу жүйесін бақылау туралы балабақшаның шаруашылық меңгерушісі С.Эркинова сөз алып «Жаз ыстық болса, қыста дәл солай суық болады» деген қазақта бұрыннан қалыптасқан тәсіл бар. Биыл көктемнің кеш шығып, аяқ астынан күрт ысуын ескерсек, күз бен қыстың ауа райына да сенім жоқ. Білесіздер былтыр балабақшамызда бірқатар өзгерістер болып, біраз жұмыстар атқарылды. Жылу қазандықтары яғни пештеріміз балабақшамызды тәулік бойы жылумен қамтамасыз етіп отыр. Қысқы жылыту маусымына дайындық еш уақытта өзектілігін жоғалтпайтын мәселенің бірі екендігі даусыз. Оған дайындық жұмыстары көктем, жаз айларынан басталып кететіні де сондықтан. Жылу жүйесі толық іске қосылды. Топтарымыздың, кабинеттеріміздің іші жып жылы болып жеңіл киіммен жүруге болатындай жағдай жасалынған. Барлық топтарымыз 20-21 градусты көрсетіп тұр. Жылу жүйесінің мәліметін әр аптаның жұма күндері Жетісай ауданының адами әлеуетті дамыту бөліміне тапсырып отырмыз.

Төртінші мәселе бойынша Жаңа жыл ертеңгіліктерінде қауіпсіздік ережелерін сақтау туралы балабақша әдіскері сөз сөйледі. Өз сөзінде, Жаңа жыл мерекесі – балалар үшін де, ересек адамдар үшін де үлкен мереке. Бұл мерекенің көңілді болып өтуіне көңілге кірбің түспеуі үшін барлық сақтау шараларын қарастырып, іске асырған жөн. Төмендегі орт қауіпсіздігін сақтау ережелерін естеріңізге салайын. – Шыршаны шүберекпен және пластик ойыншықтармен безендірмеу, – Шыршанының түбін мақтамен қаптамау, – Шыршаны тек өнеркәсіптік өндірістің электр гирляндаларымен жағуға, – Гимаратта от жағуға, бенгал шамдарын қолдануға және отшашуды атуға болмайды. Тәртіпті сақтау, орт қауіпсіздігіне жауапты әкімшіліктің және басқа да тұлғалардың заңды ескертулері мен талаптарын орындау, – Басқаларға қауіп төндіретін және төтенше жағдай туғызатын әрекеттерге жол бермеу, – Іс-шаралар аяқталғаннан кейін гимараттар мен құрылыстардан ұйымдасқан түрде шығуды жүзеге асыру. Өрт қауіпсіздігі ережелерін қатаң сақтап, Жаңа жыл мерекесі кезінде өз-өзімізге ұқыпты болайық. Жаңа жыл мерекесін өткізудегі маңызды сәт залды безендіру. Мерекені безендірілмеген бөлмеде өткізуге болмайды, себебі безендірулер балаларда жағымды эмоция тудырады және мерекелік атмосфера қалыптастырады. Залды, дәлізді, топты шығармашылықпен безендіру, мерекеледегі жеке орындауға костюмдер мен атрибуттарды дайындау балалардың қызығушылығын тудырады, оларды ерекше әсерге бөлейді. Өтетін залды әдемі етіп безендіріңіздер. Санитарлық талаптарды да ескеріңіздер.

Шешім:


1. Мереке күндеріндегі балалар тамағы санитарлық ережелерге сәйкес берілсін.
2. Қазандықтарды бақылап, жылу туралы мәлімет уақытында тапсырысын.
3. Жаңа жыл мерекелік іс-шарасында қауіпсіздік ережелері сақталсын

Кеңес төрайымы :

Хатшы:



О.Бабашева



Г.Ж.Карабаева

20 наурыз 2024 ж

Қатысқандар – 18

Күн тәртібінде:

1. Өткен кеңестің шешімдерінің орындалуы.
2. «Өрт және техника қауіпсіздігін сақтау» туралы.
3. Көгалдандыру жұмыстары.

Бірінші мәселе бойынша балабақша меңгерушісі Г.Ж.Карабаева сөз алды. Ол кісі өз сөзінде өткен кеңестің шешімдерінің орындалуына тоқталып өтті. Мереке күндеріндегі балалар тамағы санитарлық ережелерге сәйкес беріліп жатыр. Балабақшаға келіп түсетін барлық азық-түліктер санитарлық ережелерге сәйкес санитарлық-эпидемиологиялық қорытындылары бар. Жылу жүйесі туралы айтсам, пештеріміз балабақшаны тәулік бойы жылумен қамтамасыз етіп отыр. Топтарымыздың кабинеттеріміздің іші жып-жылы. Жылу жүйесінің мәліметін әр аптаның жұма күндері Жетісай ауданының адами әлеуетті дамыту бөліміне тапсырып отырмыз. Жаңа жыл ертеңгіліктерінде барлық топтарда қауіпсіздік ережелері қатаң сақталды. Өрт қауіпсіздігін сақтау мақсатында кезекшіліктер ұйымдастырылды. Залды ұқыпты әрі әдемі етіп безендіріп, мерекелік іс-шара ойдағыдай өтті.

Екінші мәселе бойынша «Өрт және техника қауіпсіздігін сақтау» туралы балабақшаның шаруашылық меңгерушісі С.Эркинова сөз алды. Ол кісі өз сөзінде балабақшада өрт қауіпсіздігі назар аударуды қажет ететін басты тақырыптардың бірі болып табылады. Балалардың өмірін мүмкіндігінше қорғау үшін, осы мекеменің барлық қызметкерлері өрт сөндіру жөніндегі нұсқауды тындап, қажет болған жағдайда өртке қарсы және өрт сөндіру әдістерінен өту керек. Әрбір тәрбиеші баланың өмірі мен денсаулығына үлкен жауапкершілік жүктейтінін түсінуі керек. Өрттің пайда болуын болдырмау үшін газ және электр аспаптарын пайдалану жөніндегі нұсқаулықты орындауымыз қажет. Балабақшаның төңірегін бақылау өте маңызды. Қоқыс ғимараттың сыртында арнайы аумаққа уақытылы жеткізілуі тиіс. Өрт болған жағдайда ең алдымен, эвакуацияның кірістерін және шығуын тексеру қажет. Есіктерді ішкі жағынан кішкене оңай ашылатын бұрандамен жабу маңызды. Балаларға эвакуациялау балабақшаға ең жақын ғимаратта жүргізіледі. Ең бастысы – балаларды балабақшаның ең кішкентай эвакуациясы. Балалар дымқыл сүлгімен немесе көрпемен жабылуы керек, түтінді ортадағы терезелерді ашуы керек. Егер бөлмеде өрт шыкса, терезелерді ашуға болмайды, өйткені жобаның арқасында пайдалы от пайда болуы мүмкін. Жанып тұрған бөлмеден жылдам шығу үшін шығынқы жерге барып, мұрын мен ауызды дымқыл шүберекпен жабу керек. Егер баланың киімі өрт кезінде өртеніп кетсе, онда оны ылғал шүберекпен орап, оттегінің енуін тоқтату үшін ағзаны қысып тастау керек. Киімді өшіру үшін өрт сөндіргішті

ешкашан пайдаланбаңыздар. Балабақшаның жоспары дәліздер мен бөлмелердің қабырғаларында онда көрсетілген қатаң тәртіпте ілінуі керек. Балабақшадағы оқыту тоқсанына кемінде бір рет өткізілетінін білесіздер. Балабақшада тәрбиеші балалардан тұрған жерлерін қараусыз қалдыруға құқылы емес. Таңертең жұмысқа келгенде, тәрбиеші топтағы барлық үй- жайларды ақаулықтардың болуы үшін тексереді. Олар анықталған кезде, басшыға немесе АПП-ға хабарласуларыңыз қажет.

«Өрт шыққан жағдайда қандай әрекет жасаймыз?» өрт шыққанда үрейленбе
«101» немесе «112» нөміріне қоңырау шал.

«Газ құбырының қақпағын жап»

«Өрт өршімеу үшін терезе мен есікті ашпа»

«Суланған мата арқылы демалыңыз»

«Киіміңізді сулаңыз немесе суланған матаны жамылып алыңыз»

«Еденге жақын еңкейіп немесе еңбектеп жүріңіз»

Әрдайым өрт қауіпсіздік ережелерін сақтап, өрттен сақ болыңыздар. Ең бастысы, өрттің туындауына жол бермейік.

Үшінші мәселе көгалдандыру жұмыстары бойынша балабақша әдіскері А.Қуттыбай сөз алды. Ол өз сөзінде жыл бойына балабақшада көптеген жұмыстар жасалады. Көктем – гүлдердің, түстердің және қуаныштың маусымы. Азды – көпті салқын қыстан кейін ағаштар қайтадан жапырақтарға толады және көптеген өсімдіктер тозандандырығыштарды тарту үшін ең әдемі жапырақшаларды шығаруға тырысады. Балабақшамызда әр топтың өзіне белгіленген алаңы бар. Осы алаңдарға гүл, көшет отырғызу қажет. Көгалдандыру жұмыстарына барлық қызметкерлер түгел атсалысу керек. Жалпы айта келгенде балабақшада көгалдандыру жұмысының жүргізілуі өте маңызды. Былтырғы жылы 10 түп мәуе ағашы, 10 түп қара тал ағаштарын отырғыздық. Кейбір ағаштар өніп кете алмады. Отырғызған ағаштарды, гүл көшеттеріне жауапкершілікпен қарап, қажет кезде су күйіп баптау керек. Балабақшамыздың әдемі болып көркейуі өз қолымызда. Аулаларды көгалдандырып болған соң, ойын алаңдарында қалпына келтіруіміз қажет. Балақайлардың ойнауына ыңғайлы болу үшін барымызды салайық. Күн жылынды алдағы уақытта сенбіліктерге түгел қатысып, жан- жақты тазалау жұмыстарын жүргізуіміз қажет. Біздің балабақшаның қызметкерлері, кішкентай бүлдіршіндері, ата-аналары да игі іске тосылып қалған жоқ. Бір кісідей жең түріп, бел буа кірісетінімізге сенімдімін. Осы көгалдандыру жұмыстары арқылы балалар қоршаған ортасын танып біледі. Қазірдің өзінде балалар таңертең келісімен тәрбиеші апайлармен бірге гүлдерге, ағаштарға су құйуға қызығушылық танытып бірге еңбек етеді. Бұл өз кезегінде балаларды ұжымшылдыққа, еңбекқорлыққа тәрбиелеудің даңғыл жолы екені сөзсіз. Қазақта «Атаңнан мал қалғанша, тал қалсын» деген аталы сөз бар. Отырғызған көшетіміздің жайқалып өсуі үшін, оған барлығымыз бірге қарайтын боламыз. Балабақшаның ауласын көгалдандыру мен тазалау жұмыстары әлі жалғасын таппақ.

Шешімі:


1. Балабақшаның барлық қызметкерлері өрт сөндіру жөніндегі нұсқаулықты тыңдап,

таныстырылсын.

2. Балабақшаның ауласын көгалдандыру мен тазалау жұмыстары жалғастырылсын.

Кеңес төрайымы :

Хатшы:



О.Бабашева

Г.Ж.Карабаева

10 маусым 2024ж

Қатысқандар – 18

Күн тәртібінде:

1. Өткен кеңестің шешімдерінің орындалуы.
2. Жаз мезгіліндегі рационалды тамақтандыруды ұйымдастыруды бақылау.
3. Бала денсаулығын нығайту. Жаз мезгілінде болатын аурулардың алдын алу шаралары.
4. Жазғы маусымға балабақша ауласын дайындау.
5. Жазғы ағымды жөндеу жұмыстарын ұйымдастыру.

Бірінші мәселе бойынша балабақша меңгерушісі Г.Ж.Карабаева сөз алды. Ол өз сөзінде өткен кеңестің шешімдерінің орындалуына тоқталып өтті. Әрбір тәрбиеші баланың өмірі мен денсаулығына үлкен жауапкершілік жүктейтінін түсінуі керек. Өрттің пайда болуын болдырмау үшін газ және электр аспаптарын пайдалану жөніндегі нұсқаулықты орындауымыз қажет. Балабақшаның төңірегін бақылау өте маңызды. Қоқыс ғимараттың сыртында арнайы аумаққа уақытылы жеткізілуі тиіс. Өрт болған жағдайда ең алдымен, эвакуацияның кірістерін және шығуын тексеру қажет. Есіктерді ішкі жағынан кішкене оңай ашылатын бұрандамен жабу маңызды. Балаларға эвакуациялау балабақшаға ең жақын ғимаратта жүргізіледі. Ең бастысы – балаларды балабақшаның ең кішкентай эвакуациясы. Балабақшаның барлық қызметкерлеріне өрт сөндіру жөніндегі нұсқаулықты тындап, таныстырылды. Көгалдандыру бойынша жұмыстар жүргізілді. Отырғызған ағаштарды, гүл көшеттеріне жауапкершілікпен қарап, қажет кезде су құйып баптап келеді. Балабақшамыздың әдемі болып көркейуіне ат салысуда. Күн жылынды балабақша қызметкерлері сенбіліктерге түгел қатысып, жан-жақты тазалау жұмыстарын жүргізіп отыр. Ата-аналары да игі іске тосылып қалған жоқ. Бір кісідей жең түріп, бел буа кірісіп келеді. Осы көгалдандыру жұмыстары арқылы балалар қоршаған ортасын танып біледі. Қазірдің өзінде балалар таңертең келісімен тәрбиеші апайлармен бірге гүлдерге, ағаштарға су құйуға қызығушылық танытып бірге еңбек етеді.

Екінші мәселе бойынша балабақша медбикесі Л.Тойымбетова сөз алды. Ол кісі өз сөзінде күн жылынғаннан кейін ата –аналар балалардың селқос тамақтануын жиі байқайды, олардың өздерінің сүйікті тамақтарын да жеуге зауқы болмайды. Бұл мезгілде олар сұйықтықты көп ішеді.Ата – аналарды да түсінуге болады – бала тамақты аз іссе ,ол сөз жоқ салмақ қосуына кесел келтіреді деп ойлайды. Бірақ дәрігерлер уайымдауға еш себеп жоқ екенін айтады: өйткені жаз кезінде ауа – райының ыссы болуына байланысты зат алмасу процесі төмендеп бала ағзасына

өте аз калория қажет болып, сонымен қатар сұйықтықтың және дәрумендер мен минералдардың қажетті мөлшері түсіп отыруы қажет. Мамандар бұл кезеңде отбасы мүшелеріне жеңіл әрі суытылған тағамға көшуді ұсынады. Жазғы ас мәзірі басқа жыл мезгілдерінің мәзірінен ерекшеленуі тиіс, өйткені жаз бен күздің бастапқы айлары көкөніс пен жемістердің молшылық кезеңі. Ет және сүт өнімдерінен бас тартудың қажеті жоқ, тек оларды тәуліктің ыстық басылған кезінде жеу керек. Жаз мезгілінде баланың тамақтану принциптері сол күйінше қалады, тек бір ғана өзгеріс енгізуге болады. Таңертеңгі кезде сүтке емес, сүт пен судың қоспасына пісірілген ботқаны ұсынуға болады. Жазғы ботқаларға күріш, қара құмық, сөк, сұлы жатады. Ботқаны пісіріп болғаннан кейін оған баланың жас ерекшелігіне сәй жазғы жидектерді қосуға болады. Балаға май жаққан нан, ал суысқа какао не сұйық шай беруге болады. Екінші таңертеңгілік мәзірге балғын жемістер қосылған йогурт, сүзбе, биолакт немесе бөлкі мен компот беруге кеңес береміз. Түскі асқа ішіне кәді (кабачки), қызанақ, орамжапырақ немесе бұршақ қосылған майсыз еттен дайындалған сорпа беріледі. Көкөніс салаттарын қосып беруге болады. Көп жағдайларда балалар екінші тағамды жеуден бас тартады, баланы күштеп тамақтандыруға болмайды. Оны салатпен алмастыруға болады, біріншіден ол жеңіл тамақ, екіншіден дәрумен мен және басқа да пайдалы заттарға бай. Сұйық тағам ретінде кисель, жидектер, жемістерді ұсынуға болады. Бесін мәзіріне жидек не жеміс қосылған айран беріледі. Одан басқа сүзбеден жасалған тағамдар да беруге болады: запеканка, сырник, құймақ немесе бір стакан сүт пен печенье. Балалар жазда тез өсіп кетеді, «көз алдында бойшаң болады». Осыған байланысты баланың толыққанды дамуы үшін балаға негізгі құрылыс материалы – нәруыз (белок) түсіп тұруы тиіс, ал көмірсулар мен майлардың мөлшерін азайту қажет. Нәруызды азық – түліктер сүймейтін тағамның тізіміне жиі еніп кетеді: олар не өте ыстық болады, не оны әбден шайнап жеу керек болады, бірақ оларды ас мәзірінен шығарып тастауға мүлдем болмайды. Ата – ананың бірінші міндеті – осы нәруыздарды баланың ағзасына қалай жеткізуді мұқият ойластыру. Жаз мезгіліндегі нәруыздың ең қолайлы көзі — сүзбе қосылған сүт коктейльдері болып есептеледі. Өздері қолдан қызанақ пен ірімшік бөлігін күс етімен қосып, гамбургер жасап беруге болады. Бала ағзасының майларға сұранысы сол күйінше қалады, тек жаз мезгілінде көбіне өсімдік тектес майларға көп көңіл бөлген дұрыс. Сонымен қатар баланың ас мәзірінде зығыр, зәйтүн, жүгері және күнбағыс майы қосылған салаттар болуы тиіс. Мәзірде көмірсулардың жеткілікті мөлшері болуы керектігін уайымдамаса да болады: мұндай құнарлы заттар өсімдік және жануар тектес азық – түліктің құрамында жеткілікті мөлшерде болады. Және қандай ыстық болса да бала тәттілер мен жемістерден ешқандай бас тартпайды. Осы тұрғыда аспазшымыз жұмысын жақсы жүргізуде. Балаларға дәруменге бай тағамдар жасауда. Ас мәзіріне қарап балаларға тағамдар берілуде.

Үшінші мәселе бойынша медбике сөз алды. Ол кісі өз сөзінде кез келген мектепке дейінгі мекеменің басты міндеттерінің бірі – балалардың денсаулығын нығайтып, өмірін қорғау болып табылады. Қазақ халқы қай уақытта болмасын ұрпақ тәрбиесін ұлттың тағдыры, ұлттың болашағы деп білген. Сондықтан тәрбие мәселесіне көп көңіл бөліп, ұрпағымыздың денсаулығы мен амандығын тілеген.

Денсаулықтың негізгі шарты – мәдени орта, салауатты өмір салты. Бала 2-3 жастан бастап балабақшаға барады. Балалар бақшада күн ұзақ болып, көптеген уақытын осы «екінші үйінде» өткізеді. Тәрбие мен білім алады, өседі-өнеді, денсаулығын нығайтады. Білім ұйымдарында аурулардың алдын алу, денсаулықты нығайту, дене тәрбиесін жетілдіру, тәрбиеленушілердің салауатты өмір салтына жағдай жасау бойынша қажетті іс-шаралар жүргізіледі. Жас ұрпақты жан-жақты дамыған, ой-өрісі биік, тұлғасы сымбатты азамат етіп өсіру үшін тәрбие жүйесінде дене тәрбиесінің алар орны орасан зор. Ал оны неғұрлым ерте кезінен бастап, дұрыс жолға қойып жүргізсе, соғұрлым нәтижесі жемісті болатыны анық. Ойткені болашақ азаматтың денсаулығы мықты, мүсін тұлғасы дұрыс қалыптасқан, жігерлі де қайратты болып өсуіне, көпшілдік дағдыларын бойына терең сіңіруіне нақ осы мектепке дейінгі кезеңде тереңірек көңіл бөлінсе, дұрыс негіз қаланады. Қазақтың кемеңгер ақыны, ұлтының бақыты үшін өз бойындағы бар дарыны мен білгенін аямай, дене тәрбиесіне зор көңіл бөлген Мағжан Жұмабаев: «Дене тәрбиесіне жеңіл қарауға болмайды. Дене жанның қабы. Қап берік болса ішіндегі заты берік болмақ. Дене жанның құралы. Құралы мықты болса иесі де мықты. Сау жан – сау денеден ғана болады» - деген. Сондықтан да бүлдіршіндер ағзасының қызметін жетілдіру, денсаулығын жақсарту, жүйкенің жұмысын дұрыс қалыптастырып, ширақ, жігерлі, икемді, сымбатты етіп өсіру, міне, осының барлығын ғылыми негізде тәрбиенің басқа түрлерімен ұштастыра жүргізу – балабақшалардың негізгі мақсаты мен алғақойған үлкен міндетінің бірі. Балалардың денсаулығын қалыптастыратын қолайлы және қолайсыз факторлар болады. Атап айтқанда: Қолайлы факторлар: ең жақсы қимыл-қозғалыс тәртібі; шынығу; дұрыс, балансты тамақтану; рационалды күн тәртібі; қоршаған орта әсерінің гигиеналық нормаларға сәйкес болуы; гигиеналық дағдылар және дұрыс тұрмыс-қалыпта өмір сүру. Қолайсыз факторлар: қимыл-қозғалыс қажеттілігінің жеткіліксіздігі, немесе шамадан тыс жоғары болуы; оқу-тәрбие процесстерінің және күн тәртібінің бұзылуы; ойын, оқу және еңбек іс-әрекеттеріне қойылатын гигиеналық талаптардың орындалмауы; тамақтануды ұйымдастырудағы кемшіліктер; гигиеналық дағдылардың болмауы, зиянды әдеттермен айналысу; жанұядағы және балалар ұжымдарындағы қолайсыз психологиялық климат. Денсаулық – табиғаттың берген құнды байлығы, оны бастапқы күйде сақтау ол адамның жеке салауатты өмір сүруіне байланысты екенін есте сақтай отырып, шынықтыру жұмыстары жергілікті жердің климаттық жағдайларына сай жүргізілуі керек. Шыныққан бала аз ауырады, тәбеті мен ұйқысы жақсы, бітімі үйлесімді, әрі сымбатты келеді және ауа-райының кез келген жағдайында жеткілікті дәрежеде серуендей алады. Шынықтыру шаралары жүйелі түрде жүргізілуі тиіс. Ұзу немесе тоқтату салдарынан организмді шынықтыру барысында қалыптасқан бейімделу реакциялары жойылады. Сондықтан да, шынықтырудың жүйелілігі, яғни шынықтыру әрекеттері күнделікті кез келген мезгілде жүргізілуі тиіс. «Үксайды бар тыныштық жер бетінде, ұйқыдағы сәбидің келбетіне», - деп жырлаған Мұқағали Мақатаев жырларынан баланың амандығы еліміздің тыныштығына байланысты айтылғанын байқауға болады. Балабақшадағы балалардың өміріне тікелей тәрбиешілер жауапты болып саналады. Жаз кезінде дәрумендердің қолдануы мен шығыны көбейеді. Мысалы, С дәруменінің түсуі мен шығыны тең болады, сондықтан ата-аналардың міндеті – бұл дәруменнің қорының толығын тұруын үнемі назарында ұстаулары тиіс. Сонымен қатар Д және В тобының, басқа да дәрумендер де қажет. Осы себептерге байланысты баланың мәзірінде әрдайым дәруменді тағамдар – салаттар, балғын жемістер мен көкөністер болуы керек.

Салаттарға аздап пияз бен сарымсақты қосуға болады, олар баланың тәбетін ашып қана қоймай, асқазан сөлінің бөлінуіне әсер етеді. Көк шөптерді қосса тіпті керемет болады! Шөптің кез-келген түрі дәрумендерге бай болумен қатар, баланың тәбетін ашады. Жаз мезгілінде жұқпалы ішек ауруларының туу қаупі жоғарылайды. Сондықтан балабақша аспазшысы да, ата-аналар да оны болдырмас үшін балаларды қауіпсіздендіру тәртібін сақтаулары тиіс. Тамақты дайындау кезінде гигиеналық шараларды қатаң сақтаулары тиіс. Барлық азық-түліктер ағын судың астында жуылып, тағамды кесіп дайындайтын тақтайшалар арнаулы жугыш құралдармен жуылып, кептірілуі керек. Шікі көкөністер мен жемістер ысы ағын су астында жуылып, әрбір көкөніс пен жеміс мұқият қаралуы тиіс. Азық-түліктерді жуатын судың сапасы үнемі назарда болуы керек. Бала сапалы су ішуі керек, ең жақсысы құтыдағы суды пайдалану қажет. Салаттар мен суықтар дәл тамақты ішетін кезде дайындалып, тауысып жегізілуі тиіс. Сүт, сүзбе, йогурттар мен айран тоңазытқышта сақталып, ашылғаннан кейін тауысып жеп немесе ішіп қойған дұрыс болады. Базардан алынған сүтті міндетті түрде қайнату қажет. Жұмыртқаны қабығымен пісіріп береді. Кез-келген азық-түлікті сатып алғанда шығарылған мерзімі мен сақталу тәртібін мұқият қарап алған жөн. Тіпті мерзімі дұрыс болғанның өзінде, ашқаннан кейін балаға берместен бұрын ересек адам дәмін татып қарауы керек. Тек осы тәртіптерді сақтаған кезде ғана ішек ауруларын толықтай болдырмау мүмкіндігі туады.

Төртінші мәселе бойынша балабақша әдіскері А.Қуттыбай сөз алды. Ол кісі өз сөзінде жазғы уақыттағы балалармен жұмысты сауықтыру деп айтады. Осы арқылы оның мақсаты мен бағыты айқындалады. Денсаулықты нығайтуға қолайлы жазғы күндерді дер кезінде пайдалану және әрбір баланың денсаулығын түзеуге және шынықтыруға ұмтылу маңызды. Балабақшаның жаз кезіндегі жұмысының негізгі мақсаты сауықтыру жұмыстарын ұйымдастыруға арнаған негүрлым тиімді жағдайлар жасау және балалардың танымдық қызығушылығын дамыту болып табылады. Салауатты өмір салты – қызметтің кез келген саласында, үйде, демалысты белеенді болудың негізі. Денсаулықпен ерте жастан айналысқан маңызды. Мектеп жасына дейінгі балалардың жаздың күні таза ауада болуы бала ағзасын нығайтады және шынықтырады, олардың жан-жақты дамуы мен эмоциялық көңіл күйіне оң әсерін тигізеді. Мектепке дейін білім беру жөніндегі әдіскер педагогтарға көмек ретінде қажетті анықтамалық әдебиетті: бос уақытты өткізу жөніндегі, жазғы халық мейрамдарының күнтізбесін, сондай-ақ өткен жылдардағы балалармен жазғы жұмыс тәжірибесінің материалдарын: қысқаша сипаттамасымен бірге қозғалғыш, спорттық, қимыл қозғалыс ойындарын, құрылыстық-конструкциялық және дидактикалық ойындар картотекасын;

тәжірибелік кеңестер мен әдістемелік ұсынымдарды таңдап бере алады. Балабақша ауласын балалардың ойнауына, балабақшада қызықты етіп өткізуіне жағдай жасау керек. Ол үшін ойын алаңдарын дұрыс ұйымдастыру керек. Балалардың өміріне қауіпсіз етіп жасаған дұрыс. Қауіпсіздік шараларын ойын алаңдарында жасаған тиімді. Бастысы біздің балаларымыздың денсаулығы. Осы тұрғыда атқарылатын жұмыстар өте көп. Сол жұмыстарды жасауды қолға алғалы отырмыз.

5-мәселе бойынша балабақшаданы шаруашылық меңгерушісі сөз алды.

Биылғы жылы балабақшада кішігірім мәндеу жұмыстары жүргізіледі. Жөндеу жұмыстары тамыз айының соңғы аптасынд.. болмақ. Бұл жөндеу жұмыстары әрине ұжымның көмегімен өтеді. Ауладағы 3 ғимараттың сыртқы жақтарын жөндеп жаңартып бояу қажет. Барлық топта әктеу, сырлау жұмыстары жүргізіліп, оған қосымша толығымен тазалық жұмыстары атқарылу тиіс. Балаларға арналған үстелдер мен кереуеттер тексеріліп, ақауы ба лар толығымен жөнделуі керек. Асханаға қажетті ыдыстарды да толықтырамыз. Еліміздің болашағы -бүгінгі балабақша бүлдіршіндері десек, олардың салауатты да, дені сау, тәрбиелі болып өсуіне ықпал жасау біздің міндетіміз деп қорытындылады.

Шешімі:

Жазғы тамақтандырудың ұйымдастыру дұрыс жүргізілсін.

Бала денсаулығын нығайту жаз мезгілінде болатын аурулардың алдын алу шаралары жүргізілсін.

Балабақша ауласын дайындау қадағалансын.

Жазғы ағымдағы жөндеу жұмыстары жоғары дәрежеде жүргізілсін.

Кеңес төрайымы :

Г.Ж.Карабаева

Хатшы:

О.Бабашева

